

妙法蓮華經

觀世音菩薩
普門品

會解

顯明大師法集

代五十四第觀教台天持傳



相法師大法念明顯

自序

國運、教運注定我的命運，生來孤苦，與佛有緣。十二歲出家，就讀哈爾濱極樂寺佛學養成所，民國二十年，時年十五歲，於營口楞嚴寺，禪定老和尚座下受具足戒。遂至寧波觀宗講寺親近寶靜法師，於觀宗寺弘法研究社畢業後，擔任輔講、主講。並於香港弘法精舍輔講任內，蒙寶公傳授天臺宗正法，為傳持天臺教觀第四十五代。余受觀宗法乳，得佛隴真傳，生平以教觀總持，說默蓄於二六時中。至於稍盡棉力，護國衛教等事，樂觀長老著『中國佛教近代史論集』——法侶評傳，稱『白山黑水一奇僧』，暨廣嚴法師撰，中國佛教會出版『高山仰止』，予以披露，當之有愧。

來到臺灣，先後於汐止慈航佛學院、中壢佛學院、南光女眾佛學院、三藏佛學院、東山佛學書院、法光寺佛學研習會、中華佛學院、菩提佛學院等教授佛學。現仍任臺北華嚴專宗學院、中國內學院、能仁佛學院、福嚴佛學院教席，暨妙清佛學院導師、主講。其間所講課業及在各大專院校佛學社部分講錄及開示等，由學員筆記，彙編十一種，計教觀綱宗講記、天臺四教儀要釋、始終心要略釋、楞伽經要解、勝鬘經要解、四十二章經要解，心經、彌陀經、盂蘭盆經等講記，大乘起信論義疏、八識規矩頌講記等，商予付印流通，藉報四恩。非屬著作，豈圖傳聞，願求不違心、不違生、不違佛耳。

四明觀宗講寺臺北別院顯明念法識 民國六十八年三月二十日

妙法蓮華經觀世音菩薩普門品會解

姚秦三藏法師鳩摩羅什譯

觀宗弘法沙門顯明念法講

一、五重玄義

法華經有七卷二十八品，敘品至安樂行品爲迹門，破廢方便，開顯真實佛之知見，攝其樞要，爲成弟子實因。從地湧出品至普賢菩薩勸發品爲本門，發迹顯本，廢方便之近壽，而顯師之實果。從實相本，立一切法，本迹雖殊，不思議一也。普門品爲此經中之第二十五品文。

妙法蓮華經於七種立題（單三：單人，如佛說阿彌陀經。單法，如涅槃經、般若經。單喻，如梵網經、瓔珞經。複三：人法，如地藏菩薩本願經。人喻，如如來師子吼經。法喻，如妙法蓮華經。具足一，如大方廣佛華嚴經。）中，屬法喻立題，妙法是法，蓮華是喻。以實相爲體，壽量品云：『不如三界見於三界。』佛見三界，非如非異，雙照如異，不同三界人所見也。又云：『無量衆所尊爲說實相印。』以佛自行（開權顯實）因（攝衆善）果（攝證得）爲宗。以權實二智斷疑生信爲用（自行照理理周，化他鑒機機徧），文云：『諸佛法久後要當說真實。』以無上醍醐爲教相，約當分五味相生，大經云：『置毒乳中，乳卽殺人，酪、酥、醍醐亦能殺人』，約跨節一音各解，經云：『昔所未曾說，今皆當得聞。』法華玄義云：『爲大事因緣故，證名。佛之知見，證體。開示悟入，證宗。爲令衆生，證用。此異餘經證教。』

（一）釋經名

「妙法」：法者，十界十如權實之法不可思議也。南岳思大師，舉衆生法、佛法、心法。

智者大師九旬談妙，華嚴云：『心佛及衆生是三無差別』，心迷爲衆生，心悟則爲佛。淨名云：『諸佛解脫當於衆生心行中求，凡有心者皆當成佛。』

皆說明三法卽一法，一法卽三法的原理。法華玄義云：『當知佛之知見蘊在衆生，所以論開。』大經說：『學大乘者，雖有肉眼名爲佛眼。』殃掘云：『彼（九界）眼根於諸如來常（佛界），具足無減修，了了分明見』。大品云：『六自在王性清淨故。』以上明衆生法通凡聖論因果。法華玄義云：『一切衆生類，無能知佛者，卽實智，及佛諸餘法，亦無能測者，卽權智，唯佛與佛乃能究盡諸法實相』，是明佛法據果而說。普賢觀經云：『我心自空罪福無主』，華嚴云：『破心微塵出大千經卷』，是明心法據因而說。法華經用十法（相、性、體、力、作、因緣、果報、本、末、究竟等）攝一切法，亦曰縮法華，所謂十如是。智者大師三轉讀文顯空假中義，是相如……空義。如是相……假義。相如是……中義。一心具十法界，互具成百界，百界千如是佛境界。佛法高，唯證方知，衆生法廣，九界權實自意他意不可思議，華嚴云：『遊心法界如虛空。』根塵相對，一念心起，必屬一界，卽具百界千如，心空則法空，畢竟清淨矣。前三法依相待論判，有兼但對待，絕待論開，卽粗顯妙。

「蓮華」：譬權實法，法華玄義云：『爲蓮故華，華實具足，可喻卽實而權，又華開蓮現，可喻卽權而實，又華落蓮成，蓮成亦落，可喻非權非實。』依法華玄義序，合成六意：『爲蓮故華，譬爲實施權，文云，知第一寂滅以方便力故，雖示種種道，其實爲佛乘。二華敷譬開權，蓮現譬顯實，文云，開方便門，示真實相。三華落譬廢權，蓮成譬立實。文云：正直捨方便但說無上道。又蓮譬於本，華譬於迹，從本垂迹，迹依於本，文云，我實成佛來，久遠若斯，但教化衆生作如是說，我少出家得三菩提。二華敷譬開迹，蓮現譬顯本，文云，一切世間皆謂今始成道，我成佛來無量無邊那由他劫。三華落譬廢迹，蓮成譬立本，文云諸佛如來，法皆如是，爲度衆生，皆實不虛。』

又法華玄義云：『狂華無果，喻外道，空修梵行無所尅獲。一華多果，喻凡夫，供養父母報在梵天。多華一果，喻聲聞，種種苦行止得涅槃。一華一果，喻緣覺，一遠離行，亦得涅槃。前果後華，喻須陀洹，見後修道。前華後果，喻菩薩，先藉緣修，生後眞修。』又云：『唯蓮華，華果俱多，可

譬因含萬行，果圓萬德。』但僅是譬喻，以月喻面不得求其眉目，雪山沉象，不可覓其尾牙。

「經」：妙法蓮華名異衆典，別也，俱稱爲經，通也。智者大師解爲訓法訓常。或歷六塵等法而心開，俱可曰經。餘照通釋不贅。

(二) 釋品名（含品題五重玄義）

「觀世音菩薩普門品」：觀音本跡難測，或名觀自在。觀是能觀之智，世音是所觀之境，此卽境智雙舉。品文始終有兩段問答，先段說觀世音菩薩施十四無畏，救七難、除三害、應二求、以是因緣名觀世音是人。後段明菩薩普門示現，以三十二應化身度生是法。爲人法合標，此品乃法華經中流通分之正軌，應以純妙人法爲名。不二理智爲體。難思感應爲宗。無緣與拔爲用。終極醍醐爲教相。以符合大部五章。觀音三昧經云：『昔已成佛號正法明如來，釋迦爲彼佛作苦行弟子。』千手千眼大悲經云：『此菩薩不可思議威神之力，已於過去無量劫中已作佛竟，號正法明如來，大悲願力，安樂衆生，故現作菩薩。』觀音授記經云：『觀世音菩薩次阿彌陀佛後，當成正覺，名普光功德山王如來。』普是徧義，門能通義，品者類也。

智者大師以一實相開十普門（慈悲、弘誓、修行、斷惑、入法門、神通、方便說法、供養、成就衆生）。又通釋品意，亦含十義（人法（觀音普門示現）、慈悲（與樂拔苦）、福慧（六度）、眞應（從眞起應）、藥珠（除患譬藥，證樂汎珠）、冥顯（三益）、權實（二智益物）、本迹（判位遠近）、緣了（二因顯理）、智斷（菩提涅槃無始終））。大論云：『般若是一法佛說種種名，隨諸衆生類，爲之立異名。』

楞嚴經卷六云：『憶念我昔無數恒河沙劫，於時有佛，出現於世，名觀世音，我於彼佛發菩提心，彼佛教我從聞思修入三摩地，初於聞中入流亡所，所入既寂，動靜二相了然不生，乃至獲二殊勝，一者上合十方諸佛本妙覺心，與佛如來同一慈力，二者下合一切六道衆生，與諸衆生同一悲仰，乃至令我身成三十二應，又云獲十四無畏功德，又云：獲四不思議無作妙德』。觀音菩薩係以耳根證圓通，經中文殊說偈：『此方眞教體，清淨在音聞。』『元

依一精明分成六和合。』『一根既返源，六根成解脫。』『反聞聞自性，性成無上道。』楞嚴依自益智斷釋觀音，法華普門品則以利他運悲而說。

「菩薩」：具足應云菩提薩埵，此云大道心衆生，凡夫業生，二乘五分法生，權乘菩薩爲福生，別圓菩薩爲中道生。故小品云：『如來身者，不從一因一緣生。』或云覺有情，上求佛道，下化衆生，捨己爲人者，均曰菩薩，爲成佛行因之位，分權實二種，超出六道二乘之上。永嘉云：『二乘精進沒道心，外道聰明無智慧。』觀音菩薩隨類現身，所謂千處祈求千處應，苦海常作度人舟。故觀音並非定現女像，五台山所塑觀音，卽老比丘相。

(三)釋譯名

姚秦三藏法師鳩摩羅什譯

五胡時代，符堅建都陝西長安，國號符秦，後被姚萇所敗，萇死後由其子姚興卽位，改爲姚秦。

羅什係龜茲國（新疆）人，此云童壽，其父鳩摩羅琰，中印度人，遊學至龜茲，國王以女妻之生什，符秦好佛，聞太史奏曰：『德星耀於西方，將有大德來宏化。』派呂光率兵向龜茲強請羅什。中途聞變，至姚興時始入長安奉爲國師，所譯之經律論毫無舛錯，秦弘始十一年八月二十一日圓寂，火化舌不爛爲證，爲七佛譯經之法師。

二、正文

**爾時無盡意菩薩，卽從座起，偏袒右肩，合掌向佛，而作是言：
世尊！觀世音菩薩，以何因緣，名觀世音？**

「爾時」：法華經第二十四品，東方淨光莊嚴世界，有佛號淨華宿王智如來，其座下有菩薩名妙音，不起於座來娑婆供養釋迦，並聽法華經，佛陀並說明妙音菩薩係修現一切色身三昧，故能隨所應度而現形。無盡意菩薩聯想西方三聖中觀音亦有此功能，遂而起問之時。或曰機教相扣感應道交之時，或曰佛陀默然，以四悉壇聖說之時。「無盡意菩薩」：楞嚴說世界衆生業果

三種相續不盡，而此菩薩慈悲弘誓亦無盡。或曰異小乘有盡智斷，曰中道無盡。小品云：『一切法趣意是趣不過，意爲法界，意則非盡非無盡。』淨名云：『無盡相，卽是空，空則無有盡與不盡。』華嚴十無盡藏品（信、戒、慚、愧、聞、思、慧、念、持、辯）有十種無盡，能令菩薩究竟菩提（饒益衆生、本願回向、經劫無斷、悟心無限、不著有爲、境法無盡、願心不變、攝陀羅尼、佛所護念、了法如幻）。菩薩如前釋。

「卽從座起。偏袒右肩。合掌向佛。而作是言。」：請法的儀式，表三業清淨，座起偏袒，是身業淨，合掌是意業淨，作是言，是口業淨。從口出假曰從座起。如云不起滅定現諸威儀，則中道之寂非起非不起。此方袒身露背而慢，西域以偏袒右肩爲敬，以印僧平日披黃色袈裟無鈎環，托鉢聽經裹其左右肩。請法時，則露右肩，表尊師易於執役。「合掌」：表福慧一心，此方以拱手爲恭，佛國以合掌爲敬。又五指表五陰，仁王經云：『法性色受想行識。』能照見五陰皆空，則權實不二，曰合掌。

「向佛」：指向釋迦牟尼佛『十九出家、六苦行、五年遊歷、三十成』，能仁寂寞，自覺覺他覺滿的如來、應供、正遍知、明行足、善逝、世間解、無上士、調御丈夫、天人師、佛、世尊。三身一體的大覺者。「世尊」：佛陀爲三界導師，四生慈父。「以何因緣名觀世音」：觀世音卽所問之人，如前釋。觀是智，世音是境，略言境智爲因緣。衆生感爲因，菩薩應爲緣。衆生苦惱爲因，菩薩慈悲爲緣。因緣成就則感應道交。

佛告無盡意菩薩：善男子？若有無量百千萬億衆生，受諸苦惱，聞是觀世音菩薩，一心稱名，觀世音菩薩，卽時觀其音聲，皆得解脫。

此卽楞嚴經卷六，觀音耳根圓通，十四無畏的第一苦惱無畏，文云：『由我不自觀音，以觀觀者，令彼十方苦惱衆生，觀其音聲，卽得解脫』。

「善男子」：指無盡意菩薩，男質直女調柔二意俱足曰善男子，非狹意的男女相而言。「無量百千萬億衆生」：指三途六道凡小邪定聚不定聚。或

指三賢十聖住果報者言，總之，惑未盡，智未圓，德未顯，皆名衆生。所有共業別業，則惑業千差萬別，感苦亦不一致，如云凡夫有苦無諦，各人所見苦境不一，二乘有苦有諦，共視三界如牢獄生死如冤家。或一人受多苦，多人受一苦，由惑造業，由業感苦，生死相續。「聞」：指聞慧，漸增思修，則得解脫。大本有四種聞義，聞聞、聞不聞、不聞聞、不聞不聞。通達四義卽聞慧，心無所住是思慧，一心稱名卽修慧。「一心稱名」：有事一心、理一心，念念相續餘念不雜名事一心，能念所念性空寂，曰理一心。總之，我心與菩薩心相應，我行與菩薩行相契，菩薩應赴心內衆生，衆生機感心內觀音，則我與菩薩不二，卽無縛無脫矣。

若有持是觀世音菩薩名者。設人大火。火不能燒。由是菩薩威神力故。

此下明救七難（火、水、黑風、刀杖、羅剎、枷械、怨賊），持名七難得救，是口業淨所感應。爲二求（求男女）禮拜，是身業淨所感應。除三毒是意業淨所感應。

「火」：金光明云：『憂愁勝火，今來燒我，能破善業，退上墮下，皆名爲火，若能稱名，得離惡業』。果報火通初禪，經云火燒初禪（含六欲天），所謂劫火洞燃乾坤俱壞。經云：『如劫火燒，不留遺芥。』因初禪離生喜樂有覺觀分別，內火積聚則引發外火，以見覺屬火，楞嚴云：『知見旋復。』內火既息，外火不能爲害。業火通三界，所謂三界無安，猶如火宅。煩惱無明火通三乘，所謂一念瞋心起，百萬障門開，火燒功德林，如人心不平，則感世界不寧，倘心淨則國土淨。持戒可滅業火，修定可滅報火，修慧可滅煩惱火。「威」：威表折伏，德表攝受，千手千眼卽俱威愛兼抱，凡行者均應具足威德，方有降魔之能，慈心之力。「神」：卽神通，觀音既有三十二應，十四無畏，有威可畏，有德可尊，觀音靈感甚多不勝枚舉。四大五陰組成吾人身心，反遭其害，應善觀之，火水風三難爲身內三大，刀杖枷鎖二難堅實，表地大，羅剎鬼、怨賊二種，表識種愛見，奪功德財，害法身命，若了四大本空，五蘊非有，則七難自消。

若爲大水所漂，稱其名號，卽得淺處。

「水」：果報水淹二禪，因二禪名定生喜樂地，聞聽內心喜悅屬水，故外感水災。楞嚴云：『觀聽旋復，令諸衆生大水所漂，亦不能溺』。業水通三界，所謂苦海。煩惱水通三乘，所謂愛河（含法愛）千尺浪，苦海萬丈波。唯佛了此性水，清淨本然周遍法界，皆如來藏。「淺處」：四流（見流、欲流、上二界色愛無色愛有流、無明流），不動，名淺處，盡無明曰到彼岸。

若有百千萬億衆生，爲求金銀琉璃，碑磔瑪瑙，珊瑚琥珀，眞珠等寶，入於大海。假使黑風，吹其船舫，飄墮羅刹鬼國。其中若有乃至一人，稱觀世音菩薩名者，是諸人等，皆得解脫羅刹之難。以是因緣，名觀世音。

由黑風而遇羅刹。此明第三救黑風難。「求寶」卽貪心。「黑風」：卽旋風。仁王般若說有六色風（黑赤青天地火），表無明妄想。「羅刹鬼」：云可畏，其國在海邊島嶼，能吃人，表殺心。另有夜叉捷疾鬼，二部均由毗沙門天王所管。或人飄往彼國，或來惱人，皆由惡因所惑。「船」：表智慧正念。「海」：表生死苦海。從地獄至三禪皆果報風災，失人天財名業風，失無漏寶，名煩惱風。果報鬼通欲界，惡業鬼通三界，煩惱鬼通九法界，楞嚴云：『斷滅妄想，心無殺害，令諸衆生入諸鬼國，鬼不能害』。例如，行人修諸六度，爲八倒業風所吹，墮二邊鬼國，正念觀心實相，卽得解脫。「以是因緣名觀世音」：結答無盡意，觀音得名因緣，下文廣顯稱名感應。

若復有人，臨當被害。稱觀世音菩薩名者，彼所執刀杖，尋段段壞，而得解脫。

此明第四救刀杖難，永明延壽禪師，未出家前，爲放生虧用公款被處死刑，一心稱念觀世音聖號，劊子手刀斷三節，遂被赦免。羅什弟子僧肇遭秦主難臨刑說偈：『四大無有主，五陰本來空，將頭臨白刃，猶似斬春風』。明代金碧峯禪師偈曰：『有人要拿金碧峯，猶如鐵鍊鎖虛空，虛空若能鎖得

住，再來拿我金碧峯。』彌勒偈曰：『我有一布袋，虛空無障礙，散開遍十方，收回觀自在。』以上皆係空無相無作三昧境界，刀杖又奈我何。楞嚴云：『熏聞成聞（反聞自性入流亡所，轉成真聞），六根銷復，同於聲聽（一根返源，六結同銷，與聲塵聞性不二）能令衆生臨當被害，刀段段壞，使其兵戈，猶如割水，亦如吹光，性無動搖』。「刀杖」：亦有果報、惡業、煩惱（見思塵沙無明）三種，比照可解。

若三千大千國土，滿中夜叉，羅刹，欲來惱人。聞其稱觀世音菩薩名者，是諸惡鬼，尚不能以惡眼視之，況復加害！

此明第五救羅刹夜叉鬼難。「三千大千國土」：爲一佛所化之土，卽娑婆世界。包括三界，須彌山腰四面，有四大部洲——東勝神州、南瞻部洲、西牛貨洲、北俱盧洲，七山八海互繞之，更以鐵圍山爲外廓，日月旋轉其間，名一世界。合此小世界一千，爲小千世界。合此小千世界一千，爲中千世界。合此中千世界一千爲大千世界。由小、中、大三千而成，曰三千大千世界，其廣等於四禪天，智論說成壞同時。「夜叉」：能飛行，疾捷鬼也。「羅刹」：云可畏，能食人，但向日不見。鬼類很多，與人同在，處於黑暗，所以黑心（法華玄義卷二解：人天爲白心、三途爲黑心、二乘無漏非黑白）生暗鬼，有二種人能見：一者陰盛陽衰與鬼將近，二者正大光明的聖人。人失本性，由人組成的社會國家世界滿成黑暗，故欲救世界必先正人心。楞嚴云：『聞熏精明，明遍法界，則諸幽暗，性不能全』。三惑的煩惱鬼，惱害三乘行人。斷愛欲，見思鬼不能惱，知一切道一切種，塵沙鬼不能惱，五住究竟，無明鬼不能惱。

設復有人，若有罪，若無罪，杻械枷鎖，檢繫其身。稱觀世音菩薩名者，皆悉斷壞，卽得解脫。

此明第六救枷械難。「杻」：是手銬。「械」：是腳鐐。「枷」：是項板。「鎖」：是鐵扣。「罪」：通三世，現在受過去果，未來是現在業，現報應現在。有罪人囹圄，理所當然，遭冤獄，亦是前生所定，自會心安。尚

有無形的枷鎖纏縛，身心不得自在。本文是注重心理的犯罪，無形的枷鎖，非智者不能解脫。有學位名有罪，無學位名無罪。楞嚴云：『音性圓銷（心空身亡），觀聽返入（根塵不入），離諸塵妄，能令衆生禁繫枷鎖，所不能著』。只要心常繫緣於佛道，不離塵勞而爲佛事，仍能得解脫。

若三千大千世界，滿中怨賊。有一商主，將諸商人，齎持重寶，經過險路。其中一人，作是唱言：諸善男子？勿得恐怖，汝等應當一心，稱觀世音菩薩名號，是菩薩能以無畏，施於衆生。汝等若稱名者，於此怨賊，當得解脫。衆商人聞，俱發聲言：南無觀世音菩薩。稱其名故，即得解脫。

此明第七稱名救冤賊難。銷文可知。「冤」：傷命。「賊」：奪財。

「冤賊」：喻煩惱。「商主」：喻善知識。「諸商人」：喻修道者。「重寶」：喻無作戒品。「險路」：喻生死煩惱。「南無」：皈依的意思。

「觀世音」：施無畏者，財施法施，皆能使人無畏。倘臨鏡背視，對谷閉口，則無影響。楞嚴云：『滅音圓聞，徧生慈力，能令衆生，經過險路，賊不能劫』。上來七難，正合衆生六大，刀杖枷鎖難配地大，水火黑風難配水火風大。羅刹冤賊難配識大，三千大千配空大。

無盡意！觀世音菩薩摩訶薩；威神之力，巍巍如是！

總結七難，故佛陀再呼無盡意，衆生受七難，一心稱念觀世音菩薩名，即得解脫。「摩訶薩」：含大多勝，體相用，法報應等義。觀音救難，有冥顯的感應，與無作慈悲。觀音玄云：『真如清淨化，無所化無所不化，無在無不在，化應六道身。』所謂水中之月無來去，只要衆生心淨，則感應道交。猶有晉者，不爲自己安危求觀音，但願衆生離苦而稱名。

若有衆生，多於淫欲，常念恭敬觀世音菩薩，便得離欲。若多瞋恚，常念恭敬觀世音菩薩，便得離瞋。若多愚癡，常念恭敬觀世音菩薩，便得離癡。

此明恭敬稱念觀世音菩薩，能除意業中的貪瞋癡三毒。大本疏云：『自愛爲欲，愛他爲淫，自忿爲恚，忿他爲瞋，自惑爲愚，惑他爲癡。』貪心屬水，瞋心屬火，癡心屬土，再加業風一吹，則成四大假和之個體而起惑造業感苦。三毒以萬惡的淫欲爲首，圓覺經云：『一切衆生皆以淫欲而正性命（男女相繫）』，所謂愛不重不生娑婆，念不一不生極樂。佛陀經教說有欲蟲淫鬼，其多少視習之輕重，皆命弟子首要斷欲，以吾等所居的欲界，係以三種欲（淫、食、睡）爲生因，而感生死相續。楞嚴云：『淫欲不斷，縱修禪定終是魔業』。

多貪衆生修九種不淨觀，觀人斷氣，體卽浮腫膨脹，血液不流，膚色青瘀，四大變壞，九孔流出污血，膿爛、生噉、散、白骨，燒爲灰。或觀五種不淨：種子不淨，所謂流想爲胎，納愛爲緣，異性爲愛，同性成憎。相不淨，天天大洗、小洗，仍洗不淨，死後唯餘一塵仍屬不淨。性不淨，性具善惡，每多培養修惡。生處不淨，釋論云：『此身非蓮花，亦不由梅檀，糞穢所長養，但從尿道生』。究竟不淨，九孔常流穢物，故曰臭皮囊，諺云，女爲悅己者容，但對學佛修道者則視爲不淨。楞嚴云：『熏聞離塵，色所不劫，能令一切多淫衆生，遠離貪欲。』俗云，飽暖思淫欲，倘以生死臨頭，無常大鬼所逼，如救頭燃的心情，恭敬稱念大慈大悲救苦救難觀世音菩薩，欲念自然不生。多瞋修慈悲觀，慈能與樂，悲能拔苦，自然不會惱害衆生起殺心，遺教經云：『劫功德賊無過瞋恚』。大集經云：『一念瞋起，一切魔鬼得便』。奈女經云：『瞋則有蠹蟲。』如現在說煙酒蟲、睡蟲等，故我們是大蟲聚。有非理瞋，周期性的，不可理喻的，應修生緣慈，所謂視長者男女爲父母，平輩如手足，父子天性，人倫良知，息滅惡念。順理瞋，修法緣慈，觀一切法從因緣生，寬恕心退讓想。諍論瞋，立場不同，看法各異，修無緣慈觀，事理一如，能所一體，是非以不辯爲解脫。楞嚴云：『純音無塵，根境圓融，無對所對，能令一切忿恨衆生離諸瞋恚』。多癡衆生因緣觀，不懂事理，不明因果，善惡莫辯，是非不明，智慧不夠，見理不深，易起不正知見，由愚癡起貪瞋，由貪瞋障本性有愚癡。使其明三世因緣，可破斷常見（死了就了，死後仍爲人），二世因緣可破著我見，一念因緣破性實。楞嚴

云：『銷塵旋明，法界身心，猶如琉璃，朗徹無碍，能令一切昏鈍性障，諸阿顛迦（無善心）永離癡暗』。

無盡意！觀世音菩薩，有如是等大威神力，多所饒益。是故衆生，常應心念。

此是總結觀音威神之力，能除衆生意業中的三毒，故囑應以『心念』。口念心非則難得感應，猶其理三毒，更應以觀心中道實相除之，凡夫著有，二乘滯空，權乘執邊。如云成佛立德爲大貪，降魔掃相爲大瞋，大智若愚而杜口爲大癡。菩薩攝生不捨曰貪，彈偏斥小曰瞋，未窮本源曰癡。二乘欲涅繫名貪，厭生死名瞋，不達生死卽涅繫名癡。

若有女人，設欲求男，禮拜供養觀世音菩薩，便生福德智慧之男。設欲求女，便生端正有相之女。宿植德本，衆人愛敬。無盡意，觀世音菩薩，有如是力。若有衆生，恭敬禮拜觀世音菩薩，福不唐捐。是故衆生，皆應受持觀世音菩薩名號。

此文稱菩薩名可滿二求。「禮拜」：頭面接足禮。「供養」：有香花燈塗菓茶食寶珠衣十種供養。身禮拜，口稱誦，意恭敬，亦是供養，『是真精進，是名眞法供養如來。』「福德智慧之男，端正有相之女」：既求觀音所生之子女，必具福慧端莊宜人，相好慈心，乃「宿植德本」，善根深厚，爲人「愛敬」，以非討債還債業緣所生也。菩薩示現白衣大士，送子觀音，其靈感實例頗多，娑婆衆生間接直接或或多或少，都受菩薩慈悲加被，有不自知者。「福不唐捐」：唐者，虛也，空過也，捐者棄也。應二求是滿衆生心願，經文「若有女人設欲求男」，又云「設欲求女」，雖未顯言均係女性所求，但生男育女是主婦的事，男性何嘗不默禱繼嗣，或結半子之親，此事爲世俗所重視，甚有人工受孕，老無子嗣，更爲堪憐，故菩薩施以無畏，應其二求。楞嚴云：『融形復聞（融幻形，歸聞性）乃至能令法界無子衆生，欲求男者，誕生福德智慧之男。又云，六根圓通，明照不二，乃至能令法界無子衆生欲求女者，誕生端正福德柔順衆人愛敬有相之女』。善心爲男，慈悲爲女，男

表觀慧分明，女表禪定靜細。修學佛法者，求定慧力莊嚴，也只有意恭敬，身禮拜，口稱名，一心供養觀世音菩薩。觀音義疏云：『無明爲父，貪愛爲母，六根男，六塵女，識爲媒嫁，生出無量煩惱子孫，此男女不勞願求任運成眷屬也。』此是凡夫理觀的說法。若依寶性論，佛子應以大乘種爲因如父，般若爲緣如母，令法身堅固如胎，大悲益物如乳母。二乘定多於慧，故速出三界，滯空不入假。權乘慧多於定，能捨己爲人，不能遮照同時。唯大覺慈尊及開顯菩薩，則能定慧一如，福慧相卽。經文佛陀再呼無盡意，是結歎觀音能施無畏，求之絕不落空，但須「受」之於心、「持」之不失、一心稱「名」。

無盡意！若有人，受持六十二億恒河沙菩薩名字，復盡形供養；飲食衣服，臥具醫藥。於汝意云何？是善男子善女人，功德多不？無盡意言：甚多！世尊。佛言，若復有人，受持觀世音菩薩名號，乃至一時禮拜供養。是二人福，正等無異，於百千萬億劫，不可窮盡。無盡意，受持觀世音菩薩名號，得如是無量無邊福德之利。

「恒河沙」：長阿含經曰：『阿耨達地東有恒伽河（菟伽河）。橫貫印度河，蒲蘭達江。』智論七曰：『恒河沙多，是佛生處，遊行處，弟子現見，故以爲喻。』「六十二億」：言數之多。依楞嚴經云：『現住娑婆有六十二億恒河沙數法王子，修法垂範教化衆生。』觀音經義疏：『六十二億舉福田多，盡形壽舉時節多，四事具足舉種子多，持名字多，舉四多與四少爲格量。』「飲食衣服臥具醫藥」：卽四事供養。本節文是較量功德，他經多以有相無相比較，並云諸供養中以法供養最。四十二章經第十一施飯轉勝章，飯惡人不如飯善人，飯善人不如飯持五戒者，乃至飯阿羅漢不如飯辟支佛，最後云飯諸佛不如飯一無念無住無修無證者。阿那律，昔以一稗飯供辟支佛尚九十劫得如意報，況供養菩薩耶。但一念無分別心供養爲因，必能供養稱法界性的普門大士。本文係以供養菩薩數字多少比較而相等，原因是觀世音係過去正法明如來示觀世音輔化，供養觀世音菩薩等於供養十方三世一切佛一切菩薩摩訶薩，況以三業清淨供養自性觀音，普門大士稱法界性，故曰

「正等無異」。凡供養三寶，多以四事供養，至云供養醫藥係指應化佛身，有時現病相，如智論九，說佛有九惱（梵志女孫陀利謗、旃遮婆羅門女繫木盆作腹謗、提婆達多推山壓佛傷佛大指、逆木刺腳、毘樓璃王殺諸釋子佛時頭痛、受阿耨達多婆羅門請而食馬麥、冷風動故脊痛、六年苦行、入婆羅門聚落乞食不得空鉢而返），興起行經舉十惱，省乞食不得，加奢彌跋謗與骨節飾之二事。

且如薄拘羅，此云善容，持不殺戒得五不死，年過八十生來不識頭痛，沉餘疾也。楞嚴經觀音耳根圓通得十四無畏，第十四無畏文云：『因我所得圓通本根，發妙耳門，然後身心微妙含容周徧法界，能令衆生持我名號與彼共持六十二億恒河沙諸法王子（菩薩）名號，二人福德正等無異』。若以別教觀心論，修空假二觀破立則不等，中道實相觀則等，若以圓教觀一切法趣，稱法界性觀諸法寂滅相，則正等無異。以上爲第一問答，觀音施十四無礙、救七難、除三害、應二求，威神之力，如是因緣名觀世音。請觀音疏云：『用卽爲三，一事、二行、三理。事者，虎狼刀劍等也。行者五住煩惱也。理者法界（所迷之理）、無礙（受熏之德）、無染（所迷本淨），而染（受熏變造）卽理性之毒也。』事毒在欲界約果報說，五住煩惱非三觀不消，前三教不談性惡，理毒在圓，理定理慧能消理毒。

無盡意菩薩白佛言：世尊！觀世音菩薩，云何遊此娑婆世界，云何而爲衆生說法，方便之力，其事云何？

前段問答，佛釋觀音得名冥加之功，此下問答是釋普門示現顯應之力，卽楞嚴經三十二應。今明三十三身，文爲八番，一聖位三身、二天趣六身、三人道五身、四四衆四身、五婦女四身、六童男女二身、七八部八身、八金剛一身。「遊化」：娑婆（堪忍五濁惡世）卽淨土，衆生分九界，不動而遊，無化而化，是身輪。「說法」：隨衆生機，說大小偏圓之法，是口輪。「方便」：證道後權宜施教，應緣化現，是意輪。卽三輪不思議化（衆生曰三業），謂現佛身以示佛心佛口，譬如明鏡隨對卽現，一時等應。如唐元和年於陝西現魚籃觀音，爲馬郎婦。於貴州現美女在溪中裸浴，引人圍觀，卒免

衆人山崩之難。托夢寄語商人免難（逢橋莫停舟，遇油便摸頭，斗穀三升米，蒼蠅捧筆頭。）其餘如彌陀現豐干，文殊、普賢現寒山、拾得，彌勒現布袋等，又豈知非觀音寄名示現耶。

佛告無盡意菩薩。善男子，若有國土衆生，應以佛身得度者，觀世音菩薩，卽現佛身，而爲說法。應以辟支佛身得度者，卽現辟支佛身而爲說法。應以聲聞身得度者。卽現聲聞身而爲說法。

此明菩薩現聖人身而爲說法，四聖中以觀音本身是菩薩，故文中略菩薩聖身。「國土」：是依報。有四土：一、凡聖同居土，如普陀山是觀音道場，峨嵋山是普賢道場，五台山是文殊道場，九華山是地藏道場，表悲行智願，且凡聖同居一念，不分而分，分凡聖耳。二、方便有餘土，二乘雖斷見思出三界，智斷未圓，仍住化城，卽三果聖人住色界，五不還天也屬方便暫住。三、實報莊嚴土，別地圓住破無明的菩薩所住，以發菩提心普度衆生，積功累德得大自在，所謂於一毫端現寶王刹，於一微塵轉大法輪，毛吞巨海，芥納須彌的境界。四、常寂光淨土，常是解脫，寂是法身，光是般若，所謂三德密藏居。「佛身」：法身體如空中月，報身相如月光明，應身用如水月影。應身現佛相，化身現六道相，智者大師解說：『應化非眞佛，亦非說法者，應卽不說，眞（法身）亦復然。』機感說法者，涅槃云：『其戒緩者未名爲緩，於乘緩者，方名爲緩，以戒緩者，唯失人身，若其乘緩，無解脫路。』藏教名劣應身佛，卽丈六老比丘相。通教名帶劣勝應佛，藏通當教曰佛，以眞空爲體，僅斷四住，無成佛實義，別教登地，名圓滿報身佛（地前三賢位，只斷見思塵沙伏無明）以妙有爲體。圓教入住，名清淨法身佛，以中道爲體。

觀音爲古佛（過去正法明如來）示現，說佛法當屬自意語。「辟支佛」：有二種，出無佛世，於大自然界，觀花開花落，悟無常苦空者曰獨覺，出有佛世，乘十二因緣教，悟緣生無性體諸法空者曰緣覺。依大經有四種十二因緣（思議生滅，思議不生滅，不思議生滅，不思議不生滅）：一、無明（枝末煩惱惑），二、行（被物牽動屬業障）過去二支因。三、識（投胎一念），四、名色（入胎後識爲名，赤白二滴爲色），五、六入（六根成在胎中爲六

塵所入），六、觸（出胎後根塵識合而生），七、受（領受前境分善惡），現在五支果。八、愛（男女色相屬煩惱之源），九、取（視好惡取捨為煩惱之本），十、有（業成就）十一、生（未來受生），十二、老死（衰老而死，略病支），此二屬未來果。頌曰：『無明愛取三煩惱，行有二支屬業道，從識至受并生死，七支同名一苦道。』簡言之，十二因緣即惑業苦，人生循環鈎鎖。約還滅門，則於任何一環節都可解脫，有的從取支上斷，能對境不動，則由行支上除，緣覺以集諦（無明）為下手初門。

緣覺斷見（迷理起分別）思（對境起貪愛）煩惱與羅漢同，兼侵習氣，故居聲聞上。「聲聞」：聞四諦聲而悟道，知苦斷集慕滅修道（苦集是世間因果，道滅是出世因果），以苦諦為初門。依大經有兩種四諦（生滅、無生、無量、無作），此指藏教生滅四諦言，若云以佛道聲，令一切聞，則屬圓教無作四諦，依五味轉，皆曰聲聞。苦含三界二十五有（四洲四惡趣，六欲并梵天，四禪四空處，無想五那含），三苦（欲界苦苦、色界壞苦、無色界行苦），八苦（生、老、病、死、愛別離、怨憎會、求不得、五陰熾盛）。集，含上五分結，無明、慢、掉舉、色愛、無色愛。頌曰：無明即痴，染即貪，掉舉遍三俱定愛。下五分結，貪、瞋、身見、戒取、疑。頌曰：『身攝邊見戒攝取，邪見原從疑惑生，四鈍皆由利使生，是故三結（身、戒取、疑）攝見盡。』別而言之，見惑有八十八使，三界四諦下十使（貪、瞋、痴、慢、疑、身、邊、戒、見、邪）配當。頌曰：『苦下俱一切（五鈍五利十使具足），集滅各除三（身邊戒），道諦除二見（身邊），上二不行瞋。』欲界四諦下有三十二使，色無色界四諦下各二十八使，共八十八使。思惑有八十一品，三界分九地，欲界五趣雜居地，色界離生喜樂、定生喜樂、離喜妙樂、捨念清淨，無色界空無邊、識無邊、無所有、非非想，每地有上中下等九品貪等煩惱，共成八十一數。道含三十七道品，即三四（四念處）、四正勤、四如意足）、二五（五根、五力）、單七（七覺支）、支八（八正道），簡言之，即戒定慧。滅即所證真空之理。「說法」：按智者大師將佛陀一代時教分五時（華嚴阿含方等般若法華涅槃）八教，用化儀四教（頓漸秘密不定非頓漸秘密不定）判，化法四教（藏通別圓）釋，則大小偏圓權實頓漸瞭若

指掌，再配以七觀（頓、漸、不定、析、體、次第、一心），則教觀總持，真觀世音也。

應以梵王身得度者，即現梵王身而為說法。應以帝釋身得度者，即現帝釋身而為說法。應以自在天身得度者，即現自在天身而為說法。應以大自在天身得度者，即現大自在天身而為說法。應以天大將軍身得度者，即現天大將軍身而為說法。應以毗沙門身得度者，即現毗沙門身而為說法。

此明觀音菩薩示現天身說法，略舉六身而應。「梵王」：色界初禪天大梵天王，離欲界女色，有分段形色，具五戒十善，修慈悲喜捨四無量心，菩薩為說出欲論，入慈心定，猶有覺觀，為三界之主。「帝釋」：欲界地居、忉利天主，具云釋提洹因，壽一千歲（人間一千年為彼天一晝夜），居須彌山頂，四方各八天，中間喜見城善法堂天為帝釋所居，為欲界天主。「自在天」：欲界頂他化自在天，將他所作以成己樂，亦即魔王天。「大自在天」：四禪色究竟天的頂天，又名摩醯首羅天，即大魔王天，釋論云：『騎白牛八臂三眼。』「天大將軍」：範圍很廣，如韋馱天將、四王八將、散脂大將等。「毗沙門」：四天王的首領，即北方多聞天王，東方名持國，南方名增長，西方名廣目。以上所舉六身是代表性，實即包括三界二十八天（欲界六天——四王、忉利、夜摩、兜率、化樂、他化。色界十八天——梵眾、梵輔、大梵、少光、無量光、光音、少淨、無量淨、偏淨、福生、無云、廣果、無想、無煩、無熱、善現、善見、色究竟。無四界四天——空無邊、識無邊、無所有、非非想）為諸天所說之法，無非世間有漏十善、四禪八定等，所謂現同類身，說同人法，先以欲鉤牽，後令人佛智。

應以小王身得度者，即現小王身而為說法。應以長者身得度者，即現長者身而為說法。應以居士身得度者，即現居士身而為說法。

應以宰官身得度者，卽現宰官身而爲說法。應以婆羅門身得度者，卽現婆羅門身而爲說法。

此明菩薩示現人類身說法，略舉五種。「小王」：金銀銅鐵四輪王以下，爲粟散王，卽各國小王，公門好修行，行仁政，則四維八德、五常（五戒）、十善，非但改善社會風氣，刑期無刑，則國泰民安，風調雨順定可預期，斯卽宏揚佛法。「長者」：應具十德（姓貴、位高、大富、威猛、智深、年耆、行淨、禮備、上歎、下歸），一言九鼎，反映齊家治國之道，爲政者喜於接納。「居士」：居家之士，清心寡欲，善男信女，皈依三寶、受持五戒、八關齋戒等。「宰官」：公侯將相，文武百官司衆人事者皆屬之。「婆羅門」：印度四姓（刹帝利、婆羅門、毗舍、首陀）之一，前二爲貴族，後二爲賤姓。所說之法乃四攝（布施、愛語、利行、同事）法門中，同事攝也。

應以比丘，比丘尼，優婆塞，優婆夷身，得度者，卽現比丘，比丘尼，優婆塞，優婆夷身，而爲說法。

此明菩薩現四衆弟子身說法。略舉四種，實含沙彌、沙彌尼、式叉摩那。比丘、比丘尼出家男女受二百五十戒或三百四十八條具足戒者。沙彌、沙彌尼出家男女受十戒者。式叉摩那（沙彌尼學六法戒者——染心相觸、盜人四錢、斷畜生命、小妄語、非食時、飲酒），優婆塞、優婆夷（近事僧寶）在家男女受五戒者。比丘翻除饑男，以福田除衆生之饑乏。無翻者具二義，乞士（養色身資慧命）、破惡（破身口七支之惡）、怖魔（登壇受戒白羯摩時，傳至摩天生怖）。「尼」：女也。出家二衆論戒臘，男女更有別，所謂老年尼師須禮少年比丘。故爲七衆弟子說法，現長老比丘相較受恭敬，易於化度，同等身分次之。

應以長者，居士，宰官，婆羅門，婦女身得度者，卽現婦女身而爲說法。

女人主內，相夫教子，萬化之源，文中僅列四種婦人，以四攝餘也。依

佛制，出家者宏法（說默並用，二語兼施，由戒資定生慧，三業清淨而解說），居士護法，婦女雖識佛法，知名解義，最好以身教潛移默化，避免高座登台說教，甚使出家眾列下位聽之，設或有之，應請其最上座以爲見證，並請其講評，仍爲權宜方便，維摩雖以古佛之尊現居士身，未有六種成就登台說法之事實，望共維聖教正法久住。

應以童男童女身得度者，卽現童男童女身而爲說法。

「童男」：係守童真，獨身不娶。「童女」：守貞自居，處身不嫁。愛欲淡薄，重視名節，童真入道，易於得度，華嚴善財、法華龍女卽其類。

應以天龍，夜叉，乾闥婆，阿修羅，迦樓羅，緊那羅，摩睺羅伽，人非人等身得度者，卽皆現之而爲說法。

此明菩薩現八部身說法。「天」：天有三界二十八天，前文已攝其六（梵王、帝釋、自在、大自在、天大將軍、毗沙門）。「龍」：天龍守天宮殿，海龍守龍宮，兩龍興雲致雨，藏龍守輪王寶藏。「夜叉」：此云捷疾，有地行、空行、天行三種，佛初成道傳唱至天。「乾闥婆」：此云香陰，帝釋欲聽音樂，卽點香，聞香卽至帝處奏樂。「阿修羅」：男醜女端，帝釋妻舍脂夫人卽修羅女，云無酒，瞋心重，力大，好鬥，戰敗匿於藕絲中，猜嫉心好勝行善，故有天福無天德，胎生人攝，卵生鬼攝，濕生畜生攝，化生天攝，住海底或山中。「迦樓羅」：此云金翅鳥，以龍爲食，龍王乞援於佛，佛囑弟子食時，加持七粒米施與金翅鳥、曠野鬼神、羅刹鬼子母等。「緊那羅」：帝釋歌神，似人頭有一角。「摩睺羅伽」：蟒蛇神，羅什曰地龍，梁武帝妻剎氏，不信三寶損壞寺廟，死後墮爲蟒身，求救於武帝，遂請誌公撰禮梁皇懺，始脫蟒身。「人」：前文明人道五身（小王、長者、居士、宰官、婆羅門），今再指其餘。「非人」：指三途或指緊那羅。人非人或就八部善惡性而言。八部皆變本形在座聽法。

應以執金剛神得度者，卽現執金剛神而爲說法。

「執金剛神」：手執寶杵護持佛法者，如韋陀三洲護法，北俱盧洲無佛法，觀音惡度亦無效，以其長壽享樂，不易接受。正法念處經云：『昔有國王娶二夫人，第一夫人生千子，欲驗成佛先後抽籤，拘留孫佛第一，釋迦第四，樓至最後，為賢劫千佛。第二夫人生二子，一願做梵王，千兄成佛，為請法主，一願作金剛力士護千佛法。』

無盡意！是觀世音菩薩，成就如是功德，以種種形，遊諸國土，度脫衆生。是故汝等，應當一心供養，觀世音菩薩，是觀世音菩薩摩訶薩，於怖畏急難之中，能施無畏。是故此娑婆世界，皆號之為施無畏者。

此總結顯應之文，國土不一，衆生無量，菩薩湛然應一切，如月在中天，影臨萬水，以德立名，「號之為施無畏者。」本品第一問答，以獲十四種無畏功德，救七難赴二求免三毒為施無畏。第二問答用現三十三應身說法為施無畏，文云「於怖畏急難之中能施無畏」。總該前後兩番問答，是則真應二身俱為能施，冥顯二益皆得無畏，故佛勸應當一心供養。本節文與楞嚴經卷六觀音耳根圓通獲四不思議無作功德（一、現妙容、二、施無畏、三、遊世界、四、供養法界六道衆生）符合，所以法華普門品，楞嚴耳根圓通（獲二殊勝十四無畏四不思議功德），二經判釋雖不同，可相互彰顯。

無盡意菩薩白佛言：世尊！我今當供養觀世音菩薩。卽解頸衆寶珠瓔珞，價值百千兩金，而以與之。作是言：仁者受此法施珍寶瓔珞。時觀世音菩薩不肯受之。

此明當機感德供養，而觀音未得佛陀允許，故遜讓不受。約表法。

「頸」：喻中道實相妙體。「寶珠」：喻戒定慧陀羅尼等無量法門。「解頸衆寶」：喻為實施權，示常捨行。「仁者」：同輩稱呼。「法施」：珠寶瓔珞屬財物，若了三輪體空，則財法二施相等，達摩答梁武帝：『淨智妙圓，體自空寂，名不著相無漏功德。』「不肯受」：表不受三昧，無所受。

無盡意復白觀世音菩薩言：仁者！愍我等故，受此瓔珞。爾時佛告觀世音菩薩，當愍此無盡意菩薩，及四衆，天龍，夜叉，乾闥婆，阿修羅，迦樓羅，緊那羅，摩睺羅伽，人非人等故，受是瓔珞。即時觀世音菩薩，愍諸四衆，及於天龍，人非人等，受其瓔珞，分作二分：一分奉釋迦牟尼佛，一分奉多寶佛塔。無盡意！觀世音菩薩，有如是自在神力，遊於娑婆世界。

無盡意爲法界衆生而供養，此合回向意，觀音亦愍衆生作福田受其瓔珞。

「多寶佛塔」：法華經見寶塔品云：『東方寶淨國，有佛號多寶，誓言，有說法華經處，我之塔廟湧現是前，爲作證明。』并願言：『欲以我身示四衆者，彼佛分身還集一處』，後分塔中半座與釋迦。「分作二分」：表事理。「奉二佛」：理圓卽法身，事圓卽報身，表以因趣果，起應化大用。

爾時無盡意菩薩，以偈問曰：

鳩摩羅什未譯重頌，荊溪說未測什公深意，偈是隋煬大業中智者滅後，闍那笈多所譯。

世尊妙相具，我今重問彼，佛子何因緣，名爲觀世音？

金剛經云：『世尊具足諸相（三十二相）卽非具足諸相，是名具足諸相。』三諦圓融，故稱「妙」。「我」：指當機無盡意菩薩。「彼」：指觀世音菩薩。「佛子」：上求下化發菩提心的菩薩爲眞佛子，但求自了的羅漢，與佛本懷不符曰庶子，神與物遊，背覺合塵爲獅子蟲曰逆子了。

具足妙相尊，偈答無盡意。

「具足妙相尊」：指具三十二相八十種好的釋迦世尊。當機以偈問，故佛以偈答。「偈」：有孤起頌，與長行文不銜接亦無關聯。重頌，卽以幾字成句押韻，仿詩的體裁，將前長文再重複一遍，或補其不足。

汝聽觀音行，善應諸方所。弘誓深如海，歷劫不思議。侍多千億佛，發大清淨願，我爲汝略說，聞名及見身，心念不空過，能滅諸有苦。

「善應」：觀音以一心三觀照一境三諦，證中道妙體而起方便妙行，不動而遊垂形「諸方」。如虛空與羣相，明鏡與萬像，黃金與金飾，微塵與泥團，非一非異。「弘誓」：四弘誓願，無邊、無盡、無量、無上，其行深如海。「歷劫不思議」：願深行廣，經劫度生不休，其本跡二門實不能以凡情測度。菩薩視衆生如赤子，其體相連，度之化之，卽化度自性的衆生，非但化功歸己，終不見有生可度有法可說，故曰普門大士觀自在。「侍多千億佛」：侍奉供養十方如來，傍及法界六道衆生，以心佛衆生無差別故。「清淨願」：不爲自己求安養，但願衆生悉離苦，能所雙亡，境智一如，寂照不二，曰清淨。「略說」：品文冥感顯應事跡僅作略說。「聞名」：受持是口業機感。「見身」：禮拜是身業機感。「心念」：恭敬是意業機感。「不空過」：三業清淨，福不唐捐。「諸有苦」：指三界二十五有之苦，欣上厭下之苦，離邊但中之苦。

假如興善意，推落大火坑，念彼觀音力，火坑變成池。或漂流巨海，龍魚諸鬼難，念彼觀音力，波浪不能沒。

此二偈重頌救七難中的火難及風水二難。「念彼」：或疑云，前令絕所，今教念彼，文似相違，此就感與應，師與徒，因因果覺而論彼此也。

或在須彌峯，爲人所推墮，念彼觀音力，如日虛空住。或被惡人逐，墮落金剛山，念彼觀音力，不能損一毛。或值怨賊繞，各執刀加害。念彼觀音力，咸卽起慈心。

第一偈加頌墮須彌峯，「須彌」：譯妙高，峯出大海。第二偈加頌墮金剛山。第三偈重頌救八難中的怨賊難。以上三偈，實卽別頌救怨賊難，爲人所推，惡人所逐，非怨卽賊，以念觀音之力，非但不被害，並感化彼等放

下屠刀回頭是岸。

或遭王難苦，臨刑欲壽終，念彼觀音力，刀尋段段壞。或囚禁枷鎖，手足被杻械，念彼觀音力，釋然得解脫。

第一偈重頌刀杖難。第二偈重頌枷械難。

咒詛諸毒藥，所欲害身者，念彼觀音力，還著於本人。

此偈加頌，咒毒害人，均係邪法，只要心存正念鬼不能侵，鬼必回殺其驅使者，非大士慈心不普，實乃折攝并運，令悔過遷善也。

或遇惡羅刹，毒龍諸鬼等，念彼觀音力，時悉不敢害。

此偈重頌救七難中的羅刹難。如持名正念，光明照耀，黑暗中的鬼祟自消。

若惡獸圍繞，利牙爪可怖，念彼觀音力，疾走無邊方。

此偈加頌惡獸難。「惡獸」：指豺狼虎豹，被其圍繞加害冥中亦有因果，以念觀音無緣慈平等悲之威力自然化解。

虺蛇及蝮蠍，氣毒煙火然，念彼觀音力，尋聲自迴去。

此偈加頌蛇蠍難。「虺」：亦名虺，體長二尺許，土色無紋，有劇毒。「蛇」：屬爬蟲類，尾長無足，以伸縮肋骨為行動，體有細鱗，有毒的蛇頭成三角形，尾較短。「蝮」：灰黑色毒蛇，頭三角形，體長約二尺餘，鼻反鉤，上顎二旁有毒牙，尾部短小，被螫毒攻心必死。「蠍」：屬蜘蛛類，體長五分許，色多黃褐，後腹狹長如尾，其末端有毒鉤，胎生。此等蟲類均含劇毒，慈心持名，聞聲自去。捕蛇死於蛇亦因果報應。

雲雷鼓掣電，降雹澍大雨，念彼觀音力，應時得消散。

此偈加頌雷雨難。遭雷雨閃電殛死者，或波及草木，時有所聞，姑不論其感電之理，趣吉避凶還要智慧衡量，因緣際遇，尚賴觀音冥應。

衆生被困厄，無量苦逼身，觀音妙智力，能救世間苦。

此偈總頌觀音除三毒應二求。「逼身」：貪瞋痴爲因。「世間苦」：三災八難及求生男女，求長壽，求三昧，求涅槃，觀音皆可尋聲救苦，滿衆生願。

具足神通力，廣修智方便，十方諸國土，無刹不現身。種種諸惡趣。地獄鬼畜生，生老病死苦，以漸悉令滅。

「神通」：天心慧性，無所障礙之謂，有六種神通——天眼、天耳、他心、宿命、神足、漏盡。有漏通有局限，無漏通論智斷，唯佛稱漏盡通。

「智方便」：從根本實智起後得方便權智。「種種惡趣」：泛指九界二死皆有四相之苦。「地獄鬼畜生」：卽三途，人間五逆罪感此受苦。理殺性惡又當別論，所謂人間難免四相苦，天上何曾免五衰（欲界天人將死，現五種衰相——一、衣垢膩、二、花冠萎、三、身臭穢、四、腋下汗、五、不樂座）。

眞觀清淨觀，廣大智慧觀，悲觀及慈觀，常願常瞻仰。

文中五個觀字，正顯瓔珞經中從假入空二諦觀，從空入假平等觀，雙照二諦中道觀之空假中三觀，及菩薩大慈大悲觀察衆生。「眞觀」：了緣生無性，能觀諸法本空。「清淨觀」：從空出假，巧把塵勞作佛事，度生不著相，所謂無心於萬物，何妨萬物常圍繞。「廣大智慧觀」：中道觀智，不執空，不著有，遮照平等。三觀成、三惑破、三德顯、三智俱。修空無相無作三觀以無緣平等的「慈悲觀」爲其基礎，成諸行用，以三觀與樂，曰「慈觀」。以三觀拔苦曰「悲觀」。「常願」：寂而常照無間道。「常瞻仰」：照而常寂解脫道。

無垢清淨觀，慧日破諸闇，能伏災風火，普明照世間。

本性非染淨，而具染淨，十界一心是理具，一心十界是事造。所謂闡提不斷善，無修善。諸佛不斷惡，有性惡。非狹義的善惡，如冰水相殊性一。三觀破惑顯本性曰「無垢」。心無垢則本具之性光通達，能照異體同無幽暗。

如日正當中無側影，一切災難化吉祥。

悲體戒雷震，慈意妙大雲，澍甘露法雨，滅除煩惱燄。

「悲體」：以戒修身，震醒大千衆生迷夢。「慈意」：菩薩意輪鑑機說法，慈雲蔽覆煩惱日熟，得清涼地。「甘露」：智者大師云：『諸天不死神藥。』「法雨」：口輪說法，如一雨普潤，三草（小草人天乘、中草二乘位、上草藏菩薩）、二木（小樹是通教三乘位、大樹是別教位）皆受益。「煩惱燄」：應指別惑，大論明三處菩薩（被接之通乾慧地、別地、圓住）燄無明柱。

諍訟經官處，怖畏軍陣中，念彼觀音力，衆怨悉退散。

「諍訟」結怨，「軍陣」傷命，一心持念觀音聖號，以祥和之氣化解怨仇。

妙音觀世音，梵音海潮音，勝彼世間音，是故須常念。

前文以五個觀字釋觀智，今以五個音字解音境。「妙音」：隨緣不變，即用顯體，智冥於境。「觀世音」：不變隨緣，即體顯用，境智雙彰。「梵音」：無二邊染，稱俗照機。「海潮音」：種熟脫三，時節不差，如潮水有定時。「勝彼世間音」：梵音空境，海潮音俗境，真空妙有互攝互融，爲中道境，故超過九界音境。

念念勿生疑，觀世音淨聖，於苦惱死厄，能爲作依怙。具一切功德，慈眼視衆生，福聚海無量，是故應頂禮。

「疑」爲信之障，有疑人疑法疑己，信爲道源功德母，驀直念去，絲毫不可置疑，但信位不堅易退，信滿須經十千劫。智者大師云：「實心繫實境，實緣（剎那念）次第生，實實迭相注，自然人實理。」「淨聖」觀音淨五住了二死，爲聖中之聖。「依怙」：在二種生死海中只有靠自性觀音能爲依怙。「慈眼」：慈心三昧等觀衆生，慈爲善本，福收萬行，以慧導福，其功德如海，且菩薩與娑婆特別有緣，能心心相印，是名眞頂禮。

爾時持地菩薩，卽從座起，前白佛言：世尊！若有衆生，聞是觀世音菩薩自在之業，普門示現神通力者，當知是人功德不少。

「持地菩薩」：楞嚴經二十五聖陳圓通，其中持地說：『往昔普光佛時爲比丘，常平填道路或作橋樑，爲人負物不取其值。毗舍浮佛時，我爲負人唯取一錢，毗舍佛謂當平心地，遂悟心界二塵等無差別，廻心轉入菩薩位。』佛陀說偈後，持地菩薩讚嘆此品，爲之證明。「自在神力」：是聞第一問答冥益。「普門示現」：是聞第二問答顯益。「自在業」：於二諦中得自在。

佛說是普門品時，衆中八萬四千衆生，皆發無等等阿耨多羅三藐三菩提心。

「八萬四千衆生」：用人數表法門，吾人一念迷時以貪等爲根則具八萬四千塵勞，悟時以施等爲本，則成八萬四千波羅密。「無等等」：發心畢竟二無別，初心無可等，等於後心妙覺位。「阿耨多羅三藐三菩提」：阿耨多羅翻無上，三藐翻正等，菩提翻正覺。「發心」：指圓教人住分眞位，一發一切發也，華嚴云：『初發心時便成正覺。』圓教六根清淨十信位，圓斷見思塵沙二惑伏無明，所謂十善（信）菩薩發大心，長別三界苦輪海，爲相似發心。圓教五品弟子位，圓伏五住煩惱。爲觀行發心，一隨喜品，其心念念悉與諸波羅密相應，二讀誦品，金剛論云：『福不趣菩提，二（受持讀誦）能趣菩提』，三講說品，如實演布，以大乘法答，四兼行六度品，事福資理。大品云：『菩薩少施，超過聲聞辟支佛上，』五正行六度品，涉事不妨理，在理不隔事，若布施時，無二邊取著，乃至世智生產事業皆與實相不相違背。

中華民國六十八年九月二十二日講於香港菩提學會



日期：二〇二三年十月七日

版本：2023.10.07

網址：<http://www.forlong.us>

